

Campaña de vacunación frente á gripe e á COVID-19. 2023

Instrución



XUNTA
DE GALICIA



XUNTA DE GALICIA

DIRECCIÓN XERAL DE SAÚDE PÚBLICA

Título:

Campaña de vacinación fronte á gripe e á COVID-19. 2023. Instrución 8/23.
Programa Galego de Vacinación.

INICIO DA CAMPAÑA: 25 de setembro de 2023.

FINALIZACIÓN: 31 de decembro de 2023.

Edita:

Consellería de Sanidade.

Dirección Xeral de Saúde Pública e Dirección Xeral de Asistencia Sanitaria.

Servizo de Control de Enfermedades Transmisibles.

Lugar e data da edición:

Santiago de Compostela, setembro de 2023.

Destinatarios:

Centros de saúde / hospitais públicos / hospitais e centros médicos privados /
residencias da terceira idade / centros penitenciarios / unidades asistenciais
de drogodependencias / centros de menores e colexios-residencias /
residencias de discapacitados / outros tipos de centros / xefaturas territoriais
da Consellería de Sanidade / áreas sanitarias.

A información relativa a esta campaña pódese consultar na web temática
da gripe da Dirección Xeral de Saúde Pública:

<https://gripe.sergas.gal>

Campaña de vacunación fronte á gripe e á COVID-19. 2023

PROGRAMA GALEGO DE VACINACIÓN

SERVIZO DE CONTROL DE ENFERMIDADES TRANSMISIBLES

DIRECCIÓN XERAL DE SAÚDE PÚBLICA



XUNTA
DE GALICIA

ÍNDICE

INFORMACIÓN BÁSICA DA CAMPAÑA	4
Introdución	11
1. Obxectivos da campaña	12
2. Datás da campaña	13
3. Administración da vacina fronte á gripe e á COVID-19	16
4. Grupos de poboación diana fronte á gripe e á COVID-19.....	16
4.1. Vacinación fronte á gripe e á COVID-19	16
4.2. Vacinación fronte á gripe.....	18
5. Información técnica sobre as vacinas	19
5.1. Composición.....	19
5.2. Indicación por tipos de vacina	20
5.3. Pautas e vía de administración	21
5.4. Conservación	25
5.5. Inmunoxenicidade e efectividade.....	25
5.6. Efectos secundarios.....	26
5.7. Precaucións e contraindicacións	27
5.8. Administración simultánea da vacina antigripal e outras vacinas.....	29
6. Xestión.....	29
6.1. Distribución das vacinas antigripais aos puntos de vacinación	29
6.2. Distribución das vacinas fronte á COVID-19.....	32
6.3. Recepción das vacinas e mantemento da rede de frío.....	32
6.4. Rexistro das doses administradas.....	33
6.5. Recollida de doses sobrantes de vacina antigripal.....	37
7. Citación.....	38
8. Seguimento e avaliación da campaña: informes	39
ANEXOS	41
I. Coordinadores/as das áreas sanitarias	42
II. Xefaturas territoriais da Consellería de Sanidade	43
III. Situacións nas que se recomenda a administración dunha dose adicional de vacina fronte á COVID-19	44

INFORMACIÓN BÁSICA DA CAMPAÑA

DATAS DA CAMPAÑA

A campaña de vacinación fronte á gripe e á COVID-19 levarase a cabo en diferentes puntos de vacinación:

- Habilitaranse grandes recintos nas áreas sanitarias e distritos para a vacinación conxunta fronte á gripe e á COVID-19. As persoas serán citadas de forma proactiva mediante unha mensaxe de texto.
- As persoas institucionalizadas en residencias de maiores e centros de discapacidade serán vacinadas no seu contorno por equipos específicos, ofrecendo a vacina fronte á gripe e á COVID-19.
- Os puntos de vacinación da gripe habituais (centros de saúde, hospitais, centros privados, residencias, mutuas, etc.), só administrarán a vacina fronte á gripe. Nestes puntos o paciente pedirá a cita cando corresponda segundo a secuencia establecida.
- Os servizos de Atención Primaria (centros cabeceira) administrarán a vacina fronte á gripe e á COVID-19 ás persoas de 80 e máis anos, as cales serán citadas proactivamente mediante SMS.
- Os hospitais públicos, en colaboración cos servizos de medicina preventiva, solicitarán as doses de gripe e COVID-19 para a vacinación dos pacientes de alto risco cando corresponda.

Os períodos de datas son aproximados, xa que poden sufrir algunha modificación.

Campaña de vacinación fronte á gripe e á COVID-19. 2023

VACINACIÓN CONXUNTA FRONTE Á COVID-19 E Á GRIPE				
DATA DE INICIO	PUNTO DE VACINACIÓN			
	Residencias de maiores/centros de discapacidade	Hospitais públicos de cada distrito	Grandes recintos	Servizos de A. Primaria (centros cabeceira)
A partir do 25 de setembro	Persoas institucionalizadas de maneira prolongada en residencias de maiores e centros de discapacidade.			
A partir do 9 de outubro				Inmobilizados de 80 e máis anos.
A partir do 16 de outubro		Persoas en situación de inmunosupresión.		Persoas de 80 e máis anos.
A partir do 26-30 de outubro		Grandes dependentes (grao III) menores de 80 anos.	Persoas menores de 80 anos, persoal de centros sanitarios e sociosanitarios e grupos de risco.	Persoas inmobilizadas menores de 80 anos.

VACINACIÓN FRONTE Á GRIPE NOS PUNTOS DE VACINACIÓN HABITUAIS	
A partir do 16 de outubro	• Persoas de 80 e máis anos. • Nenos e nenas de 6 a 59 meses. • Persoal dos centros sanitarios do Sergas e hospitais privados. • Persoal das oficinas de farmacia. • Persoal que traballa nos servizos de emerxencias sanitarias. • Persoas en situación de inmunosupresión. • Persoas institucionalizadas de maneira prolongada (residencias de persoas maiores e persoas con discapacidade) e traballadores/as destas institucións.
A partir do 30 de outubro	• Persoas de 70 a 79 anos.
A partir do 13 de novembro	• Persoas de 60 e máis anos. • Persoas menores de 60 anos con patoloxías de risco. • Mulleres durante o embarazo ou puerperio. • Persoal de servizos esenciais. • Persoal de exposición laboral.
A partir do 20 de novembro	• Conviventes de persoas de risco. • Resto da poboación diana.

Nota: A incorporación dos grupos de risco á campaña de vacinación será secuencial. A medida que se incorporen os novos grupos, solaparanse cos anteriores. Non se pechará un grupo para iniciar o seguinte.

VACINAS DISPOÑIBLES

Vacinas fronte á gripe

Alta carga tetravalente	Efluelda®	- Persoas de 80 ou máis anos da poboación xeral. - Persoas de 60 ou máis anos institucionalizadas en residencias de persoas maiores.
Tetravalente	Influvac Tetra®	Persoas de 6 meses a 79 anos.

Vacinas fronte á COVID-19

ARNm, monovalente XBB. 1.5	Comirnaty® XBB.1.5 30 microgramos	Persoas de 60 e máis anos, e de 12 a 59 anos con condicións de risco.
ARNm, monovalente XBB. 1.5	Comirnaty® XBB.1.5 10 microgramos	Nenos/as de 5 a 11 anos con condicións de risco.
ARNm, monovalente XBB. 1.5	Comirnaty® XBB.1.5 3 microgramos	Nenos/as de 6 a 59 meses con condicións de risco.
Proteína S de SARS-CoV-2	Bimervax®	En persoas de 16 e máis anos que non poidan recibir unha vacina de ARNm por alerxias, indicacións médicas ou outras circunstancias.

POBOACIÓN DIANA PARA VACINACIÓN FRONTE Á GRIPE E Á COVID-19

- Persoas de 60 ou máis anos.
- Residentes en institucións pechadas (residencias de persoas maiores e centros de discapacidade).
- Mulleres embarazadas en calquera trimestre da xestación e puérperas nos 6 primeiros meses tras o parto, se non foron vacinadas anteriormente.
- Persoas menores de 60 anos con condicións de risco (definidas na instrución).
- Persoal de centros sanitarios e sociosanitarios públicos e privados (tanto sanitarios como non sanitarios): coidados domiciliarios, persoal de oficinas de farmacia e persoal que traballa nos servizos de emerxencias sanitarias.
- Persoas que traballan en servizos públicos esenciais, con especial énfase nos seguintes:
 - Forzas e corpos de seguridade do Estado, con dependencia nacional, autonómica ou local.
 - Bombeiros.
 - Servizos de protección civil.
- Conviventes de persoas pertencentes a grupos de alto risco.

POBOACIÓN DIANA PARA VACINACIÓN FRONTE Á GRIPE

Ademais dos anteriores, recoméndase a vacina da gripe a:

- Poboación infantil de entre 6-59 meses de idade.
- Nenos e adolescentes (de 5 a 18 anos) con tratamentos prolongados de ácido acetilsalicílico.
- Persoas fumadoras.
- Profesionais ou estudantes en prácticas de centros sanitarios, servizos e establecementos sanitarios e sociosanitarios.
- Persoas con exposición laboral directa a animais ou ás súas secrecións en granxas ou explotacións avícolas, porcinas ou de visóns ou a fauna silvestre (aves, xabarís ou mus-télidos), como gandeiros, veterinarios, traballadores de granxas, cazadores, ornitólogos, axentes de medio ambiente, persoal de zoolóxicos, etc.

PAUTA DE VACINACIÓN

Unha dose da vacina da gripe e unha soa dose da vacina fronte á COVID-19. A vacinación fronte á COVID-19 recoméndase independentemente do número de doses recibidas con anterioridade, incluso sen ningunha dose previa, polo menos 3 meses dende a última dose ou dende a última infección.

No caso da vacinación fronte á gripe na poboación infantil (6 a 59 meses), recoméndase unha soa dose, incluíndo os que se vacinan por primeira vez. Na poboación infantil menor de 9 anos e con condicións de risco, cando sexa a primeira vacinación, administraranse dúas doses de vacina cun intervalo mínimo de 4 semanas.

DISTRIBUCIÓN DAS VACINAS

VACINA FRONTE Á GRIPE

• CARGAS INICIAIS

CENTROS PERTENCENTES AO SERGAS:

Carga inicial que se recibirá sen ter que solicitala:

- Para vacinar o persoal sanitario, persoal de emerxencias e persoal de farmacias.
- Para os nenos/as de 6 a 59 meses.
- Para as persoas de 80 e máis anos.

OUTROS PUNTOS DE VACINACIÓN:

Deberán solicitar a carga inicial (ás xefaturas territoriais correspondentes):

- **Hospitais e centros privados:** solicitarán a carga inicial para os seus traballadores, para as persoas de 80 e máis anos e os nenos/as de 6 a 59 meses.
- **Residencias de persoas maiores e de persoas con discapacidade:** solicitarán as vacinas para os seus traballadores e residentes (que non foran vacinados polos equipos de enfermaría específicos).

O resto de solicitudes deberán ser enviadas á xefatura territorial da Consellería de Sanidade correspondente como en anos anteriores e seguindo a secuencia de poboación diana a vacinar (*ver recadro en Información básica da campaña*).

- A partir do 30 de outubro, comezarán a vacinarse as persoas menores de 79 anos coa vacina **Influvac Tetra®**; por tanto, será necesario solicitar dende todos os puntos esta vacina para a data indicada. Non haberá carga inicial automática para o inicio destes grupos.

• **DÍAS DE DISTRIBUCIÓN DA VACINA ANTIGRI PAL NOS PUNTOS HABITUAIS**

	Días de distribución		
9 outubro-10 novembro	martes	mércores	venres
14 novembro-31 decembro	martes	xoves	

- Sistemática de peticións da vacina antigripal
 - **Única e exclusivamente** vía web. Prema no seguinte botón: 
 - <https://extranet.sergas.es/vaweb/VAWEB/AccesoPeticonesVacunas.aspx?IdPaxina=700263&seccion=0>
 - **Única e exclusivamente** cando se cumpra coas porcentaxes establecidas de rexistro de vacunación. (Ver apartado 6.1).

VACINA FRONTE Á COVID-19

No caso da distribución das vacinas fronte á COVID-19, como ata o de agora, será un envío diario baixo pedido a servizos centrais por parte dos coordinadores das áreas sanitarias.

REXISTRO DOSES

Centros pertencentes á rede Sergas: módulo habilitado en IANUS.

Restantes centros: vía web. Prema no seguinte botón:

Doses

<https://extranet.sergas.es/vaweb/VAWEB/AccesoPeticonesVacunas.aspx?IdPaxina=700263&seccion=0>

Web temática da gripe da Dirección Xeral de Saúde Pública

<https://gripe.sergas.gal>

CONTACTO (ver ANEXO I e II)

- As xefaturas territoriais da Consellería de Sanidade (para temas relacionados coa vacunación antigripal).
- Os asuntos relacionados coa vacunación COVID-19 serán notificados a través do coordinador da área sanitaria.

Introdución

Cada ano establécense as recomendacións da vacinación fronte á gripe para a tempada outono-inverno naqueles grupos de poboación con maior risco de complicacións no caso de padecer a infección por gripe e tamén naquelas persoas que poden transmitir a enfermidade a outras que teñen un alto risco de complicacións.

Dende a anterior tempada, a vacinación fronte á gripe coincidiu no tempo coa administración da vacinación fronte á COVID-19; por iso, para esta campaña 2023-2024 faranse as recomendacións de forma conxunta neste documento.

O obxectivo da vacinación fronte á gripe e á COVID-19 é reforzar a protección das persoas máis vulnerables e do persoal sanitario e sociosanitario para reducir a morbilidade causada polos dous virus.

Tendo en conta a situación epidemiolóxica actual da COVID-19, recoméndase a vacinación durante a tempada outono-inverno aos grupos de poboación diana establecidos. Non se recomenda a vacinación en poboación infantil e adulta que non forme parte da poboación diana.

A vacinación estará dispoñible ata que finalice a campaña. Poderase administrar unha dose da vacina fronte á COVID-19 fóra da campaña de vacinación de forma excepcional ás persoas que o soliciten tras unha valoración individualizada.

A campaña de vacinación levarase a cabo en diferentes puntos de vacinación:

- Habilitaranse grandes recintos nas áreas sanitarias e distritos para a vacinación conxunta fronte á gripe e á COVID-19. As persoas serán citadas de forma proactiva mediante unha mensaxe de texto.
- As persoas institucionalizadas en residencias de maiores e centros de discapacidade serán vacinadas no seu contorno por equipos específicos, ofrecendo a vacina fronte á gripe e á COVID-19.
- Os puntos de vacinación da gripe habituais (centros de saúde, hospitais, centros privados, residencias etc.) só administrarán a vacina fronte á gripe. Nestes puntos o paciente pedirá a cita cando corresponda segundo a secuencia establecida.
- Os servizos de Atención Primaria (centros cabeceira) administrarán a vacina fronte á gripe e á COVID-19 ás persoas de 80 e máis anos, as cales serán citadas proactivamente mediante SMS.
- Os hospitais públicos, en colaboración cos servizos de medicina preventiva, solicitarán as doses de gripe e COVID-19 para a vacinación dos pacientes de alto risco cando corresponda.

A vacina fronte á COVID-19 estará dispoñible nos grandes recintos, nas residencias de maiores e centros de discapacidade (soamente cando acudan os equipos de vacinación) nos hospitais, e nos centros de saúde de cabeceira para as persoas de 80 e máis anos. A vacina fronte á gripe estará dispoñible en todos os puntos de vacinación.

As vacinas demostraron ser seguras e eficaces para diminuír o número de complicacións destas enfermidades. Por iso, é moi importante acadar unha alta cobertura, tanto pola protección individual como pola protección colectiva, axudando a romper cadeas de transmisión e protexer os demais.

1. Obxectivos da campaña

Os obxectivos que se pretenden acadar na vacinación fronte á gripe e á COVID-19 detállanse a continuación:

Obxectivo xeral (vacinación antigripal)

Diminuír o número e a gravidade das complicacións derivadas do padecemento da gripe e da COVID-19 tentando minimizar o impacto na saúde mediante a súa prevención.

Obxectivos específicos (vacinación antigripal)

- Consegir unha cobertura na poboación de 65 ou máis anos igual ou superior ao 75%.
- Consegir unha cobertura vacinal nos traballadores sanitarios do Servizo Galego de Saúde e traballadores sociosanitarios superior ao 75%.
- Consegir unha cobertura vacinal nas mulleres embarazadas e persoas con condicións de risco superior ao 60%.
- Consegir unha cobertura vacinal nos nenos e nenas de entre os 6 meses e os 59 meses do 60%.

Obxectivos de xestión

- Consegir que a porcentaxe de doses recollidas ao remate da campaña sexa menor dun 5% das doses subministradas aos centros.
- Consegir que a relación entre as doses rexistradas e as utilizadas sexa de máis do 97%.

Cómpre lembrar que esta é unha campaña de moi alto impacto no sistema asistencial, xa que implica a participación dun importante número de profesionais sanitarios que desenvolven o seu traballo en centros nos que se atende as persoas pertencentes a grupos de risco e por iso a enorme importancia da colaboración de todos os profesionais implicados nela.



2. Datas da campaña

- **Inicio: 25 de setembro**
- **Fin: 31 de decembro**



A vacinación conxunta fronte á COVID-19 e á gripe terá lugar nos puntos habilitados, como grandes recintos dos 14 distritos sanitarios. As persoas serán citadas de forma proactiva mediante unha mensaxe de texto.

Ademais, tamén nas residencias de persoas maiores e nos centros de discapacidade, aos cales acudirá un equipo específico para a vacinación de COVID-19 e gripe.

Os servizos de Atención Primaria (centros cabeceira) administrarán a vacina fronte á COVID-19 xunto coa da gripe ás persoas de 80 e máis anos. Estas persoas serán citadas de forma proactiva mediante unha mensaxe de texto.

Campaña de vacinación fronte á gripe e á COVID-19. 2023

VACINACIÓN CONXUNTA FRONTE Á COVID-19 E Á GRIPE				
DATA DE INICIO	PUNTO DE VACINACIÓN			
	Residencias de maiores/centros de discapacidade	Hospitais públicos de cada distrito	Grandes recintos	Servizos de A. Primaria (centros cabeceira)
A partir do 25 de setembro	Persoas institucionalizadas de maneira prolongada en residencias de maiores e centros de discapacidade.			
A partir do 9 de outubro				Inmobilizados de 80 e máis anos.
A partir do 16 de outubro		Persoas en situación de inmunosupresión.		Persoas de 80 e máis anos.
A partir do 26-30 de outubro		Grandes dependentes (grao III) menores de 80 anos.	Persoas menores de 80 anos, persoal de centros sanitarios e sociosanitarios e grupos de risco.	Persoas inmobilizadas menores de 80 anos.

Nota: os períodos de datas son aproximados, xa que poden sufrir algunha modificación.



Campaña de vacinación fronte á gripe e á COVID-19. 2023

VACINACIÓN FRONTE Á GRIPE NOS PUNTOS DE VACINACIÓN HABITUAIS	
A partir do 16 de outubro	• Persoas de 80 e máis anos. • Nenos e nenas de 6 a 59 meses. • Persoal dos centros sanitarios do Sergas e hospitais privados. • Persoal das oficinas de farmacia. • Persoal que traballa nos servizos de emerxencias sanitarias. • Persoas en situación de inmunosupresión. • Persoas institucionalizadas de maneira prolongada (residencias de persoas maiores e persoas con discapacidade) e traballadores/as destas institucións.
A partir do 30 de outubro	• Persoas de 70 a 79 anos.
A partir do 13 de novembro	• Persoas de 60 e máis anos. • Persoas menores de 60 anos con patoloxías de risco. • Mulleres durante o embarazo ou puerperio. • Persoal de servizos esenciais. • Persoal de exposición laboral.
A partir do 20 de novembro	• Conviventes de persoas de risco. • Resto da poboación diana.

Para recibir a vacina fronte á gripe nos puntos de vacinación habituais (centros de saúde, centros privados, etc.), será o cidadán quen pida a cita, como en anos anteriores.

A incorporación dos grupos de risco á campaña de vacinación será secuencial. A medida que se incorporen os novos grupos, solaparanse cos anteriores. Non se pechará un grupo para iniciar o seguinte. Estas datas poderán sufrir modificacións en función da evolución da campaña de vacinación.

3. Administración da vacina fronte á gripe e á COVID-19

Esta vacinación realízase como consecuencia dunha decisión da autoridade sanitaria en materia de saúde pública, por un risco epidemiolóxico e para preservar a saúde colectiva e a das persoas con maior risco de desenvolver complicacións por estas enfermidades, polo que non require diagnóstico nin prescrición previa.

Estas recomendacións de vacinación fórmulanse ao abeiro do establecido na Lei 33/2011, do 4 de outubro, xeral de saúde pública, e na normativa da Comunidade Autónoma nesta materia.

4. Grupos de poboación diana para a vacinación fronte á gripe e á COVID-19

4.1. Vacinación fronte á gripe e á COVID-19

4.1.1. Polo maior risco de complicacións ou cadros graves en caso de padecer gripe e COVID-19

- Persoas de 60 e máis anos.
- Persoas internas en residencias de maiores e centros da discapacidade, así como outras persoas institucionalizadas de maneira prolongada e residentes en institucións pechadas.
- Embarazadas en calquera trimestre da xestación e mulleres durante o puerperio (ata os 6 meses tras o parto e sempre que non se vacinaran durante o embarazo).
- Conviventes de persoas pertencentes a grupos de alto risco.
- Persoas menores de 60 anos de idade coas seguintes condicións de risco:
 - Diabetes mellitus e síndrome de Cushing.

- Obesidade mórbida (IMC ≥ 40 en adultos, ≥ 35 en adolescentes ou ≥ 3 DS na infancia).
- Enfermidades crónicas cardiovasculares, neurolóxicas ou respiratorias, incluíndo displasia broncopulmonar, fibrose quística e asma.
- Enfermidade renal crónica e síndrome nefrótica.
- Hemoglobinopatías e anemias ou hemofilia, outros trastornos da coagulación e trastornos hemorráxicos crónicos, así como receptores de hemoderivados e transfusións múltiples.
- Asplenia ou disfunción esplénica grave.
- Enfermidade hepática crónica, incluíndo alcoholismo crónico.
- Enfermidades neuromusculares graves.
- Inmunosupresión (incluíndo as inmunodeficiencias primarias e a orixinada pola infección por VIH, por fármacos, así como nos receptores de transplantes e déficit de complemento. *En pacientes con antecedentes de transplante de proxenitores hematopoéticos, no caso de administrar unha dose antes do sexto mes postransplante, recoméndase administrar unha segunda dose ás 4 semanas. En pacientes con antecedente de transplante de órgano sólido, recoméndase só unha dose anualmente.*
- Cancro e hemopatías malignas.
- Fístula de líquido cefalorraquídeo e implante coclear ou en espera del.
- Enfermidade celíaca.
- Enfermidade inflamatoria crónica.
- Trastornos e enfermidades que supoñan disfunción cognitiva: síndrome de Down, demencias e outras.

4.1.2. Para reducir o impacto e o mantemento de servizos críticos e esenciais na comunidade

- Persoal de centros e establecementos sanitarios e sociosanitarios públicos e privados (tanto sanitarios como non sanitarios, excepto estudantes nos que só se recomenda vacinación fronte á gripe).

- Persoal de oficinas de farmacia e persoal que traballa nos servizos de emerxencias sanitarias.
- Persoas que proporcionan coidados domiciliarios a pacientes con condicións de risco ou maiores.
- Persoas que traballan en servizos públicos esenciais, con especial énfase nos seguintes:
 - Forzas e corpos de seguridade do Estado, con dependencia nacional, autonómica ou local.
 - Bombeiros.
 - Servizos de protección civil.

4.2. Vacinación fronte á gripe

Ademais dos anteriores, recoméndase a vacinación fronte á gripe a:

- Poboación infantil de entre 6 e 59 meses de idade.
- Persoas de 5 a 59 anos que presentan un maior risco de complicacións derivadas da gripe:
 - Persoas de 5 a 18 anos de idade que reciben tratamento prolongado con ácido acetilsalicílico, pola posibilidade de desenvolver un síndrome de Reye tras a gripe.
 - Persoas fumadoras.
- Profesionais ou estudantes en prácticas de centros sanitarios, servizos e establecementos sanitarios e sociosanitarios.
- Persoas con exposición laboral directa a animais ou ás súas secrecións en granxas ou explotacións avícolas, porcinas ou de visóns ou a fauna silvestre (aves, xabarís ou mustélidos), como gandeiros, veterinarios, traballadores de granxas, cazadores, ornitólogos, axentes de medio ambiente, persoal de zoolóxicos, etc. A finalidade é reducir a oportunidade dunha infección concomitante de virus humano e aviario ou porcino, diminuíndo a posibilidade de recombinación ou intercambio xenético entre ambos os virus.

5. Información técnica sobre as vacinas

5.1. Composición

5.1.1. Vacinas antigripais

No mes de febreiro de cada ano, a Organización Mundial da Saúde (OMS) publica a composición da vacina fronte á gripe para a súa utilización no hemisferio norte.

As vacinas tetravalentes recomendadas para esta tempada 2023-2024 deberán conter os seguintes compoñentes:

As producidas a partir de ovos embrionarios (inactivas ou atenuadas):

- Cepa análoga a A/Victoria/4897/2022 (H1N1)pdm09.
- Cepa análoga a A/Darwin/9/2021 (H3N2).
- Cepa análoga a B/Austria/1359417/2021 (liñaxe B/Victoria).
- Cepa análoga a B/Phuket/3073/2013 (liñaxe B/Yamagata).

5.1.1. Vacinas fronte á COVID-19

A OMS, a Axencia Europea do Medicamento (EMA) e o Centro Europeo para a Prevención e Control de Enfermidades publicaron unha declaración conxunta sobre a actualización da composición das vacinas fronte á COVID-19 para as novas variantes do virus SARS-CoV-2. Nesa declaración recoméndase que as vacinas que se administren na próxima tempada 2023-2024 sexan monovalentes fronte á subvariante XBB da cepa ómicron, preferiblemente XBB.1.5, que asegure protección fronte ás cepas circulantes de SARS-CoV-2.

5.2. Indicacións por tipos de vacina

Nesta campaña subministraranse as seguintes vacinas:

Enfermidade	Nome comercial	Idade	Laboratorio	Características
Gripe	Eflueda®	≥80 anos na poboación xeral e ≥60 anos institucionalizados en residencias de maiores*.	Sanofi Aventis.	Alta carga, tetravalente.
	Influvac Tetra®	6 meses a 79 anos.	Viartis.	Tetravalente.
COVID-19	Comirnaty® XBB.1.5 30 microgramos	Persoas de 60 e máis anos, e de 12 a 59 anos con condicións de risco.	Pfizer BioNTech.	ARNm, monovalente XBB. 1.5.
	Comirnaty® XBB.1.5 10 microgramos	Nenos/as de 5 a 11 anos con condicións de risco.	Pfizer BioNTech.	ARNm, monovalente XBB. 1.5.
	Comirnaty® XBB.1.5 3 microgramos	Nenos/as de 6 a 59 meses con condicións de risco.	Pfizer BioNTech.	ARNm, monovalente XBB. 1.5.
	Bimervax®	En persoas que non poidan recibir unha vacina de ARNm por alerxias, indicacións médicas ou outras circunstancias.	Hipra.	Proteína S de SARS-CoV-2.

*En caso de que as doses dispoñibles non cubran a totalidade dos institucionalizados, utilizarase a vacina Influvac Tetra®.

5.3. Pautas e vía de administración

Pauta de vacinación

- Unha dose da vacina da gripe e unha soa dose da vacina fronte á COVID-19. A vacinación fronte á COVID-19 recoméndase independentemente do número de doses recibidas con anterioridade, incluso sen ningunha dose previa, polo menos 3 meses dende a última dose ou dende a última infección.
- A vacinación fronte á COVID-19, en poboación de 6 a 59 meses que pertenza a algún dos grupos de risco, realizarase da seguinte forma:
 - Se non hai antecedentes de vacinación ou infección previa: recibirán un total de tres doses, cunha pauta (0-3-8 semanas).
 - Se hai antecedentes de vacinación ou infección previa: unha soa dose.
- As persoas con inmunosupresión grave de 6 ou máis meses de idade poden requirir a administración dunha dose máis de vacina fronte á COVID-19. Esta dose adicional administrase polo menos 3 meses despois, exceptuando aqueles casos que estean a piques de recibir ou aumentar a intensidade dun tratamento inmunosupresor e, polo tanto, obteríase unha mellor resposta se se vacinasen antes de que comezase ese tratamento. Nestes casos inusuais poderíase reducir o intervalo a 3 semanas (anexo III).
- Aquelas persoas que teñen contraindicadas as vacinas de ARNm fronte á COVID-19 poderán recibir as vacinas de proteínas dispoñibles.
- Fóra da campaña de vacinación poderase administrar unha dose de vacina fronte á COVID-19, de xeito excepcional, ás persoas que o soliciten tras valoración individualizada. Nestes casos deberase ter en conta o intervalo coas doses previas ou coa infección (3 meses).
- No caso da vacinación fronte á gripe na poboación infantil (6 a 59 meses), recoméndase unha soa dose, incluíndo os que se vacinan por primeira vez. Na poboación infantil menor de 9 anos e con condicións de risco, cando sexa a primeira vacinación, administraranse dúas doses de vacina cun intervalo mínimo de 4 semanas.

EFLUELDA®

- **Indicación:**
 - Persoas de **80 ou máis anos.**
 - **Persoas de 60 ou máis anos institucionalizadas en residencias de persoas maiores.**
- Dose: 0,7 ml.
- Vía de administración:
 - Intramuscular preferentemente, aínda que tamén se pode administrar subcutánea.
- Lugar de administración:
 - Músculo deltoide.
- *Pola súa ficha técnica pode utilizarse en persoas de 60 ou máis anos.*




INFLUVAC TETRA®

- Pode utilizarse en adultos e nenos/as **a partir dos 6 meses de idade.**
- **Indicación:** nas persoas incluídas na poboación diana de entre 6 meses e 79 anos.
- Dose: 0,5 ml.
- Vía de administración:
 - Intramuscular ou subcutánea.
- Lugar de administración:
 - En nenos, en función da idade e masa muscular:
 - Cara anterolateral da coxa ou músculo deltoide.
 - En adultos:
 - Músculo deltoide.



COMIRNATY® OMICRON XBB.1.5-30 microgramos



- **Indicación:**
 - Persoas de 60 ou máis anos.
 - Persoas de entre 12 e 59 anos con condicións de risco.
- **Presentación:** un vial de **tapón gris** multidose, que contén **6 doses** de 0,3 ml. Non precisa dilución.
- **Conservación e preparación:**
 - Unha vez desconxelados, os viais multidose poden conservarse ata 10 semanas entre 2 e 8 °C.
 - Antes do seu uso, o vial sen abrir pódese almacenar ata 12 horas en temperaturas de ata 30 °C.
 - Mesturar suavemente invertendo os viais 10 veces antes do seu uso. Non axitar nin diluír.
- **Dose:** 0,3 ml.
- **Vía de administración:** intramuscular.
- **Lugar de administración:** músculo deltoide.

COMIRNATY® OMICRON XBB.1.5-10 microgramos

- **Indicación:**
 - Nenos/as de entre 5 e 11 anos con condicións de risco.
 - **Presentación:** un vial de **tapón azul**, que contén **6 doses** de 0,3 ml. Non precisa dilución.
- **Conservación e preparación:**
 - Unha vez desconxelados, os viais multidose poden conservarse ata 10 semanas entre 2 e 8 °C.
 - Antes do seu uso, o vial sen abrir pódese almacenar ata 12 horas en temperaturas de ata 30 °C.
 - Mesturar suavemente invertendo os viais 10 veces antes do seu uso. Non axitar nin diluír.

- Dose: 0,3 ml.
- Vía de administración: intramuscular.
- Lugar de administración: músculo deltoide.

COMIRNATY® OMICRON XBB.1.5-3 microgramos

- **Indicación:**
 - Nenos/as de entre 6 e 59 meses con condicións de risco.
- **Presentación:**
 - Un vial de **tapón granate** multidose, que contén **10 doses** de 0,2 ml. despois da dilución.
- **Conservación:**
 - Unha vez desconxelados, os viais multidose poden conservarse ata 10 semanas entre 2 e 8 °C.
 - Antes do seu uso, o vial sen abrir pódese almacenar ata 12 horas en temperaturas de ata 30 °C.
- **Preparación:**
 - Mesturar suavemente invertendo o vial 10 veces.
 - Diluír con 2,2 ml de cloruro de sodio 9 mg/ml (0,9%).
 - Igualar a presión do vial antes de retirar a agulla extraendo 2,2 ml de aire na xiringa baleira utilizada na dilución.
 - Mesturar suavemente de novo o vial coa dilución 10 veces.
- Dose: 0,2 ml.
- Vía de administración: intramuscular.
- Lugar de administración: en función da idade e masa muscular do neno/a, administrar na cara anterolateral da coxa ou músculo deltoide.

BIMERVAX®• **Indicación:**

- Persoas de 16 ou máis anos que non poidan recibir unha vacina de ARNm por alerxias, indicacións médicas ou outras circunstancias.

• **Presentación:**

- Un vial multidose, que contén 10 doses de 0,5 ml.

• **Conservación e preparación:**

- Os viais multidose debe conservarse a temperaturas entre 2 e 8 °C e dentro da embalaxe exterior para protexela da luz.
- Mesturar suavemente o vial antes e entre cada retirada de dose. Non axitar.
- O vial multidose deberá desbotarse despois de 6 horas tras a primeira punción do vial.

• **Dose:** 0,5 ml.• **Vía de administración:** intramuscular.• **Lugar de administración:** músculo deltoide.

5.4. Conservación

- Conservar en neveira, entre +2 °C e +8 °C, **e coa súa embalaxe exterior** para protexer da luz.
- Non deben conxelarse.
- As vacinas fronte á COVID-19 xestionaranse con loxística inversa (devolución dos viais non empregados) ao finalizar a xornada.

5.5. Inmunoxenicidade e efectividade

A eficacia e a efectividade das vacinas pode variar entre un 30-80% no caso das vacinas antigripais e entre un 70-90% no caso das vacinas fronte á COVID-19 para formas graves. Dependerá da idade e da inmunocompe-

tencia da persoa, así como do grao de similitude entre os virus contidos na vacina e os virus circulantes.

Aínda así, as vacinas da gripe e da COVID-19 teñen un importante beneficio, xa que reducen a frecuencia de complicacións secundarias e diminúen, así mesmo, o risco de hospitalización e morte relacionada coa gripe e á COVID-19 nos maiores e persoas con condicións de risco.

Despois da vacinación, a maioría dos nenos e adultos novos desenvolven títulos de anticorpos que protexen fronte á infección de cepas similares ás incluídas nas vacinas.

A resposta de anticorpos pode ser menor en pacientes con inmunodeficiencia.

5.6. Efectos secundarios

As vacinas antigripais e fronte á COVID-19 non poden ocasionar a enfermidade, xa que conteñen soamente virus fraccionados non infecciosos ou antígenos inactivados.

Os efectos adversos son pouco frecuentes e, cando aparecen, adoitan ser locais e autolimitados.

O efecto secundario máis frecuente é a reacción local (dor, eritema, induración) no lugar da inxección, que dura menos de 48 horas. As reaccións locais aparentes resólvense espontaneamente de 1 a 3 días tras o seu inicio e, polo xeral, son leves e raramente interfíren coas actividades rutineiras.

Con menor frecuencia (<10 %), poden ocorrer outros tipos de reaccións sistémicas:

- Febre, cefalea, malestar, mialxias e outros síntomas sistémicos, que se inician ás 6-12 horas tras a vacinación, e persisten 1-2 días. Afectan máis a miúdo a aquelas persoas non vacinadas con anterioridade.
- No caso das vacinas de ARNm fronte á COVID-19 poden aparecer, moi raramente, casos de pericardite e miocardite; estes cadros preséntanse principalmente en homes novos, despois da segunda dose da vacina e nos 14 días seguintes da vacinación. A evolución é similar aos cadros de pericardite e miocardite que aparecen por outras causas, xeralmente de boa evolución.
- Con moi pouca frecuencia poden aparecer reaccións inmediatas (presumiblemente alérxicas), que se manifestan como anxioedema, asma ou

anafilaxe. Probablemente, estas reaccións prodúcense por hipersensibilidade a algún compoñente da vacina.

Para máis información, pode consultar as fichas técnicas das vacinas dispoñibles.

5.7. Precaucións e contraindicacións

5.7.1. Precaucións

- No caso de **enfermidade febril severa concorrente**, a vacinación deberá diferirse ata que remitan os seus síntomas. Non obstante, enfermidades menores con ou sen febre non contraindican o uso das vacinas, particularmente en nenos con infección leve do tracto respiratorio superior ou rinite alérxica, polo que nestes casos a vacinación non se debería pospoñer.
- As dúas vacinas dispoñibles fronte á gripe están cultivadas en ovo; aínda así, existe evidencia suficiente para recomendar que **as persoas con historia de alerxia despois da exposición ao ovo poden recibir vacinas fronte á gripe sen precaucións especiais**. As precaucións deben ser similares ás tomadas ante a administración de calquera outra vacina. No caso de ter presentado reaccións alérxicas graves ou anafilaxe ao ovo, a vacinación será realizada por persoal con experiencia e supervisarse 30 minutos tras a administración.
- **Precaución en persoas que desenvolven unha síndrome de Guillain-Barré (SGB) dentro das 6 semanas** posteriores á vacinación antigripal:
No caso de persoas con antecedentes de SGB que teñen un risco moi elevado de complicacións gripais graves, a maioría dos expertos cren que os beneficios da vacinación antigripal xustifican o seu uso, xa que o padecemento da gripe implica un maior risco de presentar recaídas respecto á SGB que a vacinación. As investigacións realizadas indican que non existe un incremento substancial da incidencia desta síndrome coa vacinación antigripal.
- **As persoas con trastornos da coagulación** ou en tratamentos anticoagulantes poden desenvolver hematomas no lugar da inxección. Isto non contraindica a vacinación e, de precisar unha

vacina cuxa vía de administración sexa unicamente intramuscular, debe utilizarse unha agulla fina (calibre $\leq$ a 23 G), aplicando presión local sen fretar durante 2 minutos. Se está con tratamento fronte á hemofilia ou similar, aproveitarase para vacinar inmediatamente tras a administración do tratamento. En todo caso, é aconsellable consultar co especialista.

5.7.2. Contraindicacións

- A vacinas non se deben administrar a persoas con **antecedentes de reacción anafiláctica** a doses previas ou a algún compoñente da vacina. No caso da vacina fronte á COVID-19 (os compoñentes a valorar serán os seguintes: polietilenglicol, tween 80 ou polisorbato, trometamol, etc.).
- Non se recomenda a administración doutra dose das vacinas de ARNm ás persoas que presentasen un episodio de miocardite ou pericardite tras doses previas.

No caso de persoas de alto risco con contraindicación á vacina, a utilización de antivíricos é unha opción para previr a gripe, e igualmente débese lembrar a vacinación dos seus conviventes.

5.7.3. Falsas contraindicacións

- O feito de ter padecido infección por **SARS-CoV-2 non contraindica** a vacinación.
- A administración da vacina **non está contraindicada** en persoas inmunodeficientes calquera que sexa o motivo, dado que as vacinas dispoñibles son vacinas inactivadas e, polo tanto, non existe risco de proliferación viral incontrolada. Poderíase esperar unha menor resposta inmune.
- A vacinación **tampouco está contraindicada** no período de lactación materna.
- A vacina Influvac Tetra® está **exenta de látex**. En canto a Eflueda®, o fabricante certifica ausencia de látex nos distintos materiais da vacina.

5.8. Administración simultánea da vacina antigripal e outras vacinas

As vacinas fronte á gripe e á COVID-19 pódense administrar simultaneamente, en lugares anatómicos diferentes. Ademais, estas vacinas poderanse administrar tamén conxuntamente con outras.

As publicacións dispoñibles mostran que non se observaron diferenzas nas respostas inmunes de ambas as vacinas tras a súa administración conxunta ou por separado nin na súa efectividade.

Pode consultar as fichas técnicas das vacinas dispoñibles en:

- Efluelda®: https://cima.aemps.es/cima/dochtml/ft/85068/FT_85068.html
- Influvac Tetra®: [FT_82600.pdf \(aemps.es\)](https://cima.aemps.es/cima/dochtml/ft/82600/FT_82600.pdf)
- Comirnaty® XBB.1.5: https://www.ema.europa.eu/en/documents/product-information/comirnaty-epar-product-information_es.pdf
- Bimervax: https://cima.aemps.es/cima/pdfs/ft/1221709001/FT_1221709001.pdf

6. Xestión

6.1. Distribución de vacinas antigripais aos puntos de vacinación

Cargas iniciais

Centros pertencentes ao Sergas:

Carga inicial que se recibirá sen ter que solicitala:

- Para vacinar o persoal sanitario, persoal de emerxencias e persoal de farmacias.
- Para os nenos/as de 6 a 59 meses.
- Para as persoas de 80 e máis anos.

Outros puntos de vacinación:

Deberán solicitar a carga inicial (ás xefaturas territoriais correspondentes):

- **Hospitais privados:** solicitarán a carga inicial para os seus traballadores e para as persoas de 80 ou máis anos.
- **Residencias de persoas maiores e de persoas con discapacidade:** solicitarán as vacinas para os seus traballadores e residentes (que non foran vacinados polos equipos de enfermaría específicos).

O resto de solicitudes deberán ser enviadas á xefatura territorial da Consellería de Sanidade correspondente como en anos anteriores e seguindo a secuencia de poboación diana a vacinar (*ver recadro en Información básica da campaña*).

- A partir do 30 de outubro, comezarán a vacinarse as persoas menores de 79 anos coa vacina **Influvac Tetra®**; polo tanto, será necesario solicitar dende todos os puntos esta vacina para a data indicada. Non haberá carga inicial automática para o inicio destes grupos.

Distribución de vacinas



As peticións deberán realizarse antes das 14.00 horas.

1.^a-5.^a semana (16 de outubro-7 de novembro)

A distribución realizarase 3 días á semana:

- **Martes:** distribuiranse as vacinas solicitadas ata o venres anterior.
- **Mércores:** distribuiranse as vacinas solicitadas ata o luns previo.
- **Venres:** distribuiranse as vacinas solicitadas ata o mércores previo.

A partir da 5.^a semana da campaña (20 de novembro-31 de decembro)

A distribución realizarase 2 días á semana:

- **Martes:** distribuiranse as vacinas solicitadas ata o venres anterior.
- **Xoves:** distribuiranse as vacinas solicitadas ata o martes previo.

Non se servirán envíos extraordinarios

(Agás en casos moi puntuais e debidamente xustificados: rupturas en cadea de frío).

Peticións


As peticións realizaranse á xefatura territorial de Sanidade correspondente, **única e exclusivamente** a través da páxina web do Sergas.

NON SE TRAMITARÁ NINGÚN PEDIDO RECIBIDO POR CORREO.

- É imprescindible o rexistro inmediato das doses administradas.
- O aplicativo só permitirá tramitar os pedidos aos centros que cumpran cunha porcentaxe de rexistro das doses recibidas (sen ter en conta as recibidas na última semana), esta porcentaxe comezará sendo do 70 % e irase modificando ao longo da campaña.

Para realizar as peticións prema no seguinte enlace:

<https://extranet.sergas.es/vaweb/VAWEB/AccesoPeticonesVacunas.aspx?IdPaxina=700263&seccion=0>.



Sistema de información de vacinas

 Sistema de información da Consellería de Sanidade e do Servizo Galego de Saúde definido polo Programa galego de vacinación (PGV) para levar a cabo as seguintes xestións, dende os puntos autorizados:

- Xestión das vacinas por parte de puntos de vacinación públicos e privados: xestión de peticións, xestión de stock e consulta de movementos.
- Rexistro e consulta de vacinas por parte de puntos de vacinación privados.

Usuarios da rede do SERGAS:

Usuarios de centros privados (acceso por certificado dixital):

Seleccionar a opción que proceda:

- **Centros pertencentes á rede do Servizo Galego de Saúde:** os usuarios accederán introducindo o *login* e o *password* que utilizan habitualmente.
- **Restantes centros:** poderán introducirse no sistema mediante certificado dixital.

Tipo de vacina e número de doses que se solicitarán

Tendo en conta o stock existente no centro e o número de persoas que se prevé vacinar ata o momento da seguinte entrega, estimarase o número de doses que se van precisar de:

Efluelda®:

- Persoas de 80 ou máis anos da poboación xeral.
- Persoas de 60 ou máis anos institucionalizadas en residencias de persoas maiores.

Influvac Tetra®:

- Persoas de entre os 6 meses e os 79 anos.

6.2. Distribución de vacinas fronte á COVID-19

No caso da distribución das vacinas fronte á COVID-19, como ata o de agora, será un envío diario baixo pedido a servizos centrais por parte dos coordinadores das áreas sanitarias.


6.3. Recepción das vacinas e mantemento da rede de frío

Cando se reciban as vacinas, verificarase que o tipo de vacina e o número de doses se corresponde co que figura no albará de entrega.

As vacinas deberán trasladarse inmediatamente á neveira, conservarse a unha temperatura de entre +2°C e +8°C evitando a súa conxelación e a exposición á luz.

A neveira deberá estar dotada dun termómetro de temperatura máxima e mínima, do cal se deberán realizar dúas lecturas diarias: á primeira e á última hora da xornada laboral. Débese resetear despois desta última lectura e proceder ao seu rexistro.

As incidencias na recepción de vacinas débenselle notificar á xefatura territorial de Sanidade correspondente (vexase o anexo II), así como toda



ruptura da rede de frío, especificando a temperatura dese momento, a máxima e mínima acadadas, así como o número estimado de horas de exposición a esas temperaturas.

É necesaria a devolución do material reutilizable no que se reciben as vacinas, especialmente as **bolsas isotérmicas**, ao recibir a seguinte entrega.

6.4. Rexistro das doses administradas

- É imprescindible facer o rexistro **no momento da vacunación** para poder tramitar os pedidos de vacinas e que a campaña continúe con normalidade.
- O rexistro inmediato tamén axuda a **diminuír posibles erros**.

6.4.1. Vacina fronte á gripe

Tendo en conta o grupo da poboación diana, deberase marcar o grupo de risco segundo a seguinte táboa:


GRUPO DA POBOACIÓN	ÍTEM A MARCAR NO REXISTRO
Persoas institucionalizadas en residencias de maiores	Persoas que viven en residencias de maiores.
Persoas institucionalizadas en centros de discapacidade	Persoas que viven noutras institucións.
Vacunación sistemática de 60 anos en diante	Persoas de 60 ou máis anos.
Vacunación sistemática entre os 6 e 59 meses	Nenos/as de 6 meses a 59 meses.
Embarazadas	Embarazadas.
Grupos de risco	Persoas de 5 anos en diante pertencentes a grupos de risco.
Conviventes con persoas de risco	Persoas de 5 anos en diante pertencentes a grupos de risco.
Persoas con exposición laboral directa a animais, etc.	Persoas de 5 anos en diante pertencentes a grupos de risco.
Persoas que traballan en servizos públicos esenciais	Persoas de 5 anos en diante pertencentes a grupos de risco.
Persoal de centros sanitarios	Persoal médico Sergas (incluídos os MIR).
	Persoal de enfermería Sergas (incluído os EIR).
	Outro persoal do Sergas (auxiliares, celadores, administrativos).
	Estudantes en prácticas do Sergas.
	Persoal sanitario de centros privados.
Outra poboación	Persoas sen risco.

- A vacunación **sistemática dos nenos e nenas de 6 a 59 meses**, rexistrarase na epígrafe "**Nenos/as de 6 meses a 59 meses**", aínda que pertenza a algún outro grupo de risco.
- A vacunación das mulleres embarazadas durante a tempada de gripe deberá rexistrarse na epígrafe "**Embarazadas**", aínda que pertencen a algún outro grupo de risco, priorizándose o rexistro do embarazo sobre outros grupos.

Campaña de vacunación fronte á gripe e á COVID-19. 2023

- Durante a campaña, no caso de que o persoal de enfermaría se desprace aos domicilios para visitas proactivas ou de seguimento de enfermos crónicos, poden aproveitar para vacinar fronte á gripe, procedendo ao rexistro destas doses ao chegar ao centro.

Nos centros da rede do Sergas, as doses administradas débense rexistrar a través do módulo habilitado en IANUS para a campaña, elixindo a campaña correspondente (campaña antigripal 2023), tal como se mostra nas seguintes imaxes:



Campana de vacunación antigripal - Perfil 1: Microsoft Edge

No seguro | desiansp/CampanaGripe.aspx

CAMPAÑA DE VACINACIÓN ANTIGRIPIAL 2023

XUNTA DE GALICIA
CONSELLERÍA DE SANIDADE

SERVIZO GALEGO de SAÚDE

[Ir á campaña COVID](#)

Campana de vacunación antigripal 2023

Nome [redacted] **Data de nacemento** [redacted] **Idade** [redacted]

Punto de Vacinación: -- **CONFIRMAR** **CANCELAR**

Data: 26/07/2023

Vacina:

Nome comercial: **Ensaio clínico:** ☒ Non ☐ Si

☐ Influvac Tetra ☐ Eflueda

Lotes: [redacted]

Grupo:

Persoas con Risco

☐ Persoa que vive en residencia de maiores

☐ Persoas que viven en outras institucións

☐ Nenos/as de 6 meses a 59 meses

☐ Embarazadas (A vacunación rexistrárase sempre neste apartado aínda que pertencen tamén a outro grupo de risco)

☐ Persoas de 60 ou máis anos

☐ Persoas a partir de 5 anos pertencentes a grupos de risco

☐ Persoal médico SERGAS (incluídos os MIR)

☐ Persoal de enfermaría SERGAS (incluídos os EIR)

☐ Estudantes en prácticas do Sergas

☐ Persoal sanitario de centros privados

☐ Outro persoal do SERGAS (auxiliares, celadores, administrativos...)

☐ **Persoas sen risco**

Motivo de rexistro:

☒ Vacinación

☐ Renuncia

☐ Contraindicación

Vacinas campaña antigripal 2023

Editar	Punto vacinación	Vacina	Data vacinación	Tipo	Ensaio clínico	
▶	HOSPITAL CLÍNICO UNIVERSITARIO (C.H.U.S)	GRIPE	21/07/2023	Vacinación	Non	MODIFICAR
▶	HOSPITAL CLÍNICO UNIVERSITARIO (C.H.U.S)	GRIPE	21/07/2023	Renuncia	Si	ELIMINAR

1 2

No módulo de rexistro de gripe aparece un cadro que indica a posible participación do usuario nun ensaio clínico que se levará a cabo soamente na vacunación fronte á gripe en grandes recintos nas persoas de 65 a 79 anos. Polo tanto, no resto dos puntos de vacunación non será preciso marcar nada, xa que virá marcado por defecto "Non".

Os restantes centros rexistrarán vía web as doses que administren no seguinte enlace:

<https://extranet.sergas.es/vaweb/VAWEB/AccesoPeticonesVacunas.aspx?IdPaxina=700263&seccion=0>


En caso de dúbida, os centros débense poñer en contacto coa xefatura territorial de Sanidade correspondente.

6.4.2. Vacina fronte á COVID-19

Tendo en conta o grupo da poboación diana, deberase marcar o grupo de risco segundo a seguinte táboa:

GRUPO DA POBOACIÓN	ÍTEM A MARCAR NO REXISTRO
Persoas institucionalizadas en residencias de maiores	Persoas que viven en residencias de maiores.
Persoas institucionalizadas en centros de discapacidade	Persoas que viven noutras institucións.
Vacunación sistemática de 60 anos en diante	Grupo de risco para COVID-19 por idade.
Grupos de risco	Condicións de alto risco.
Embarazadas	Embarazada.
Conviventes con persoas de risco	Condicións de alto risco.
Persoas que traballan en servizos públicos esenciais	Traballador de actividades esenciais.
Persoal de centros sanitarios	Persoal de centro sanitario de Atención Especializada.
	Persoal de centro sanitario de Atención Primaria.
	Outro profesional do ámbito sanitario.
	Traballador de centro sociosanitario.
	Outro profesional do ámbito sociosanitario.

Nos centros da rede do Sergas, as doses administradas débense rexistrar a través do módulo habilitado en IANUS para a campaña, elixindo a campaña correspondente (campaña de vacunación COVID-19. 2023).



As vacinas fronte á COVID-19 que se empregarán na campaña actual aparecerán para seren marcadas de forma directa. No caso de ter que rexistrar algunha vacina administrada con anterioridade, marcarase a opción "Compostos fóra de campaña".

Poderase acceder dende o módulo de rexistro de gripe ao de COVID-19 ou ao revés marcando na parte superior dereita "Ir a campaña COVID/GRIPE"; deste xeito non será preciso saír e volver acceder ao apartado.

Rexistro das renuncias

Existe un apartado específico para consignar esta información. En caso de que a persoa á que se lle indica a vacunación renunciasse a ela, deberase consignar na epígrafe correspondente.

6.5. Recollida de doses sobrantes de vacina antigripal

Unha vez finalizada a campaña, as xefaturas territoriais de Sanidade poñeranse en contacto cos centros para solicitarlles o número de doses de vacina antigripal que cómpre recoller.

7. Citación

As persoas de 60 anos en diante serán citadas de forma automática para a vacinación fronte á COVID-19 e á gripe nos grandes recintos.

Para a vacinación das persoas institucionalizadas en residencias de maiores e centros de dependencia, acudirá un equipo de enfermería para a administración da vacina fronte á gripe e á COVID-19.

Fóra do anteriormente indicado, a vacinación antigripal nos centros de saúde realizarase mediante cita concertada, que poderá ser por vía electrónica, a través da páxina web do Servizo Galego de Saúde ou no propio centro de saúde.

A vacinación da gripe, igual que na campaña anterior, será secuencial, polo que é imprescindible que a citación se adapte a esta secuencia:

- O 16 de outubro comeza a vacinación para persoas de 80 e máis anos, traballadores de centros sanitarios do Sergas e de hospitais tanto públicos como privados, traballadores de emerxencias sanitarias e traballadores de oficinas de farmacia. Tamén para a poboación infantil de 6 a 59 meses. Estes grupos poderán pedir cita dende o xoves 12 de outubro.
- As persoas de 70-79 anos poderán pedir cita a partir do 26 do outubro para seren vacinadas do 30 de outubro en diante.
- A partir do 13 de novembro terán acceso as persoas de **60 e máis anos, menores de 60 anos con patoloxías de risco, embarazadas, traballadores esenciais e traballadores con risco por exposición laboral.**
- A partir do 20 de novembro continuarase coa vacinación do resto das persoas incluídas nos grupos diana, polo que, a partir dese momento, toda a poboación diana poderá acceder á autocita.

8. Seguimento e avaliación das coberturas de vacinación fronte á gripe

Como nas campañas anteriores, os profesionais médicos e de enfermaría de Atención Primaria terán dispoñible a través da plataforma WPRESS o informe da cobertura de vacinación da súa cota/grupo e a súa comparativa co centro/unidade de Atención Primaria e Área Sanitaria correspondente.

Previamente ao inicio desta, no mes de outubro, publicarase este informe cos datos relativos á campaña pasada (2022) para que sirvan de punto de partida; posteriormente, nos meses de novembro, decembro, xaneiro e febreiro poñeranse á disposición os informes relativos a esta campaña 2023, que proporcionarán información actualizada e permitirán avaliar o desenvolvemento da vacinación neste ano, posibilitando levar a cabo as accións que se consideren oportunas.

Semanalmente e durante o transcurso da campaña, publicarase na páxina web temática da gripe a información sobre a evolución da vacinación, seguindo a mesma sistemática de anos anteriores.

<https://gripe.sergas.gal>

Logo de rematar a campaña, procederase á elaboración do informe final da campaña, que será publicado nesa mesma páxina web.

Campaña de vacunación fronte á gripe e á COVID-19. 2023

A información relativa a esta campaña pódese consultar
na web temática da gripe da
Dirección Xeral de Saúde Pública:

<https://gripe.sergas.gal>



Carmen Durán Parrondo
DIRECTORA XERAL DE SAÚDE PÚBLICA



Jorge Aboal Viñas
DIRECTOR XERAL DE ASISTENCIA SANITARIA

A close-up portrait of an elderly woman with short, curly, light-colored hair. She is smiling warmly at the camera and giving a thumbs-up with her right hand. She is wearing a light-colored short-sleeved top, a grey scarf, and a red shawl draped over her shoulders. A pearl necklace is visible around her neck. On her right hand, she wears a ring with a large diamond and a metal link bracelet. A small orange bandage is visible on her left upper arm. The background is a soft, out-of-focus blue and white.

Anexos

Anexo I. Coordinadores/as das áreas sanitarias

A Coruña e Cee	
GRYPE	COVID-19
Silvia Vázquez Pérez	Enrique González Rodríguez
☎ 981 17 80 00 / ext. 297 211	☎ 981 17 80 00
@ silvia.vazquez.perez@sergas.es	@ enrique.gonzalez.rodriguez@sergas.es
Ferrol	
GRYPE	COVID-19
Begoña Vidal Maroño	Isabel Campos Pardo
☎ 981 334 018 / 234 573	☎ 462 223
@ begona.vidal.marono@sergas.es	@ isabel.campos.pardo@sergas.es
Santiago de Compostela e Barbanza	
GRYPE	COVID-19
Montserrat Souto Pereira	María Victoria Carral García
☎ 250 480	☎ 981 95 04 80
@ montserrat.souto.pereira@sergas.es	@ maria.victoria.carral.garcia@sergas.es
Lugo, Cervo e Monforte de Lemos	
GRYPE	COVID-19
Ángeles Dono Díaz	Ángeles Dono Díaz
☎ 536 299	☎ 536 299
@ maria.de.los.angeles.dono.diaz@sergas.es	@ maria.de.los.angeles.dono.diaz@sergas.es
Ourense, Verín e O Barco de Valdeorras	
GRYPE	COVID-19
Josefa Rodríguez Araujo	Josefa Rodríguez Araujo
☎ 988 385 512	☎ 988 385 512
@ josefa.rodriguez.araujo@sergas.es	@ josefa.rodriguez.araujo@sergas.es
Pontevedra e O Salnés	
GRYPE	COVID-19
Silvia Amoedo Casqueiro	María Concepción Abellas Álvarez
☎ 287 011 / 465 765	☎ 461 405
@ silvia.amoedo.casqueiro@sergas.es	@ maria.concepción.abellas.alvarez@sergas.es
Vigo	
GRYPE	COVID-19
María Carmen Soto Dávila	Pilar Reza Castiñeiras
☎ 986 81 64 65/69	☎ 464 994
@ maria.del.carmen.soto.davila@sergas.es	@ pilar.reza.castiñeiras@sergas.es

Anexo II. Xefaturas territoriais da Consellería de Sanidade

A Coruña

@ corunavacinas.dlpc@sergas.es

📞 981 082 261 / 582 261; 981 082 353 / 582 353; 981 155 826 / 555 826

Lugo

@ xtlu.vacinas@sergas.es

📞 982 292 117 / 982 292 113

Ourense

@ vacinas.sanidade.ourense@sergas.es

📞 988 066 347 / 988 066 513

Pontevedra

@ vacinas.delegacion.pontevedra@sergas.es

📞 986 885 881 / 986 885 824 / 986 885 826

Unidade de Vigo

@ vacinas.delegacion.pontevedra@sergas.es

📞 986 817 724 / 986 817 232

Anexo III. Situacións nas que se recomenda a administración dunha dose adicional de vacina fronte á COVID-19

Persoas con alto grao de inmunosupresión

- Persoas con transplantes de proxenitores hematopoéticos.
- Persoas con transplantes de órgano sólido.
- Persoas con fallo renal crónico.
- Persoas con infección por VIH con baixo recuento de CD4 (<200 cel/ml).
- Persoas con algunhas inmunodeficiencias primarias.

Persoas en tratamento con terapias inmunosupresoras

- Persoas que reciban ou recibisen nos 3 meses anteriores tratamento para unha enfermidade autoinmune, como:
 - Inhibidores de JAK ou moduladores inmunitarios biolóxicos, incluídas terapias dirixidas a células B (tamén rituximab, pero neste caso o receptor considerárase inmunosuprimido durante un período de 6 meses).
 - Moduladores da coestimulación de células T.
 - Inhibidores monoclonais do factor de necrose tumoral (TNF).
 - Receptores solubles de TNF.
 - Inhibidores do receptor de IL-6.
 - Inhibidores de IL-17, IL-12/23 ou IL-23.

Persoas en tratamento con terapias inmunosupresoras (continuación)

- Persoas que reciban ou recibisen:
 - Corticoesteroides a doses altas (equivalentes de ≥ 20 mg/día de prednisolona ou equivalentes a ≥ 1 mg/día de prednisolona en poboación infantil) durante máis de 10 días no mes anterior á vacinación.
 - Corticoesteroides a doses moderadas a longo prazo (equivalentes de ≥ 10 mg/día de prednisolona ou $\geq 0,5$ mg/día de prednisolona en poboación infantil, durante máis de 4 semanas) nos 3 meses anteriores á vacinación.
 - Fármacos inmunomoduladores orais non biolóxicos, como metotrexato >20 mg/semana (oral e subcutáneo), azatioprina >3 mg/kg/día, 6-mercaptopurina $>1,5$ mg/kg/día, micofenolato >1 g/día, nos 3 meses anteriores á vacinación.
 - Certos fármacos combinados a doses individuais inferiores ás anteriores, incluídos os que reciben $\geq 7,5$ mg/día de prednisolona en combinación con outros inmunosupresores (distintos de hidroxicloroquina ou sulfasalazina) e os que reciben metotrexato (calquera dose) con leflunomida, ou calquera dose en poboación infantil, nos 3 meses anteriores á vacinación.
 - Altas doses de esteroides (equivalentes a >40 mg/día de prednisolona ou equivalente a >2 mg/kg/día de prednisolona en poboación infantil durante máis dunha semana) por calquera motivo no mes previo á vacinación.

A información relativa a esta campaña pode consultarse na web temática da gripe da Dirección Xeral de Saúde Pública:

<https://gripe.sergas.gal>



Consellería
de Sanidade

Saúde Pública

Instrucións

40

D



XUNTA
DE GALICIA

DIRECCIÓN XERAL
DE SAÚDE PÚBLICA